



FRÉTTABRÉF SSNE

FEBRÚAR 2022 | TBL. 24

ÁHERSLUVERKEFNI SÓKNARÁÆTLUNAR KOMIÐ Í LOFTIÐ

Niceair er nýtt flugfélag sem ætlar að halda uppi reglulegu millilandaflug frá Akureyri.

„Um langt skeið hefur það verið kappsmál heimafólks á Norðurlandi eystra að reglulegt millilandaflug verði að veruleika um Akureyrarflugvöll. Sú áhersla hefur m.a. endurspeglast í Sóknaráætlunar landshlutans“, segir Hilda Jana Gísladóttir, formaður stjórnar SSNE. „Það var því gleðilegt að þeir kraftmiklu frumkvöðlar sem standa að baki Niceair hafi leitað stuðnings Sóknaráætlunar, en árið 2020 hlaut Niceair styrk úr Uppbyggingasjóði og ári síðar ákvað stjórn SSNE að verkefnið yrði eitt af áhersluverkefnum Sóknaráætlunar Norðurlands eystra.“



ERT ÞÚ AÐ FYLGJA OKKUR?



FYRIRTÆKJAKÖNNUN LANDSHLUTANNA

Nú er í gangi fyrirtækjakönnun landshlutanna þar sem SSNE er eins og áður aðili að

Fyrirtækjakönnun landshlutanna er á vegum landshlutasamtaka, atvinnuþróunarfélaga og Byggingastofnunar. Hún er ætluð öllum, stórum og smáum rekstraraðilum/fyrirtækjum sem eru í framleiðslu eða bjóða þjónustu. Markmiðið er að kanna hver staða þeirra er til að geta stutt þau betur hvar sem þau eru á landinu.

Mikilvægt er að ná sem mestri þátttöku svo fengin sé skýrari mynd af stöðunni og hvetjum við því alla fyrirtækjaeigendur og aðra rekstraraðila til að kynna sér málin og taka þátt. Þín afstaða skiptir máli!

[SJÁ NÁNAR](#)

STYRKIR FRAMUNDAN



Atvinnuráðgjafar SSNE veita stuðning og ráðgjöf til frumkvöðla á öllum stigum nýsköpunar. Ráðgjafar SSNE veita upplýsingar um styrki og styrkjarmöguleika sem standa einstaklingum, fyrirtækjum og rannsóknaraðilum til boða en við hvetjum einstaklinga og fyrirtæki til að kynna sér málin á heimasíðu SSNE þar sem má finna yfirlit yfir styrki sem veittir eru frá ráðuneytum, Rannís, samfélagssjóðum, Uppbyggingarsjóði Norðurlands eystra ofl. Við vekjum líka athygli á því að mörg fyrirtæki veita samfélagsstyrki og hvetjum við fólk til að kynna sér þá. Athugið að listinn hér er ekki tæmandi fyrir styrki vorið 2022.

- **Tækniþróunarsjóður: Sproti** / 15. mars 2022
 - Fyrir hverja? Ung nýsköpunarfyrirtæki og frumkvöðla.
 - Til hvers? Sproti er ætlaður til að styðja við verkefni á byrjunarstigi.
- **Tækniþróunarsjóður: Vöxtur, Sprettur** / 15. mars 2022
 - Fyrir hverja? Lítil og meðalstór fyrirtæki.
 - Til hvers? Vöxtur er ætlaður til að styrkja þróunarverkefni sem eru komin af frumstigi hugmyndar. Sprettur er öndvegisstyrkur innan Vaxtar.
- **Tækniþróunarsjóður: Markaðsstyrkur** / 15. mars 2022
 - Fyrir hverja? Markaðsstyrkur er eingöngu fyrir lítil og meðalstór fyrirtæki sem verja að lágmarki 10% af veltunni til rannsóknar- eða þróunarstarfs samkvæmt síðasta reikningsári.
 - Til hvers? Hægt er að sækja um styrk vegna sérstaks markaðsátaks en einnig uppbyggingu innviða fyrirtækisins sem tengjast sókn á markaði.
- **Svanni lánatryggingarsjóður kvenna** / 15. mars 2022
 - Fyrir hverja? Svanni veitir lán til fyrirtækja í eigu konu/kvenna
 - Til hvers? Meðal annars að styðja við bakið á konum sem eiga og reka smærri fyrirtæki, að auka aðgengi kvenna að fjármagni, að fjölga störfum og stuðla að nýsköpun í atvinnulífi.
- **Bókasafnssjóður** / 15. mars 2022
 - Fyrir hverja? Öll bókasöfn sem falla undir bókasafnalög og reglur bókasafnasjóðs ein eða með öðrum bókasöfnum eða með öðrum aðilum sem hafa það að markmiði að efla bókasöfn í landinu.
 - Til hvers? Sjóðurinn skal efla starfsemi bókasafna. Sjóðurinn styrkir skilgreindar rannsóknir og þróunar- og samstarfsverkefni á sviði bókasafna- og upplýsingamála. Sjóðnum er einnig heimilt að styrkja önnur verkefni til að efla faglegt samstarf bókasafna innanlands og utan.
- **Hljóðritasjóður** / 15. mars 2022
 - Fyrir hverja? Tónlistarmenn, jafnt einstaklinga sem hljómsveitir, útgáfufyrirtæki og aðra er koma að hljóðritun tónlistar.
 - Til hvers? Hljóðritasjóður veitir styrki til hljóðritunar nýrrar, frumsamdrar tónlistar sem stuðla á að nýsköpun. Veittir eru styrkir í almenn verkefni og þróunarverkefni.
- **Skattfrádráttur rannsókna- og þróunarverkefna (framhaldsumsókn)** / 1. apríl 2022
 - Fyrirtæki sem hafa fengið staðfestingu Rannís á rannsókna- eða þróunarverkefni eiga rétt á frádrætti á tekjuskatti skv. lögum nr. 152/2009.
- **Barnamenningarsjóður** / 4. apríl 2022
 - Fyrir hverja? Starfandi listamenn, list- og menningartengdar stofnanir, félagasamtök og aðra þá er sinna menningarstarfi fyrir börn og ungmenni í samræmi við opinbera menningarstefnu.
 - Til hvers? Fjármagna og styðja við fjölbreytta starfsemi á sviði barnamenningar með áherslu á sköpun, listir og virka þátttöku barna í menningarlífi.

[Viðburðadagatal SSNE](#)

[Bóka viðtal hjá ráðgjafa](#)

BÆTT ÞJÓNUSTA SSNE Á TRÖLLASKAGA



Anna Lind Björnsdóttir verkefnisstjóri SSNE á Tröllaskaga hefur nú fasta viðveru alla mánudaga í Ráðhúsi Fjallabyggðar, Siglufirði.

Viðvera og starfsstöðvar Önnu Lindar er því eftirfarandi:

Dalvík - Ráðhús: Þriðjudaga frá kl. 9:00-15:00.

Ólafsfjörður - Ólafsvegur 4: Miðvikudagar og fimmtudagar frá kl. 9:00-15:00 og föstudaga frá kl. 9:00-14:00.

Siglufjörður - Gránugata 24 (Ráðhús): Mánudagar frá kl. 9:00-15:00.

Við hvetjum íbúa á svæðinu til að nýta sér þessa bættu þjónustu SSNE!

Hægt er að hafa samband, bóka tímafráðgjöf við Önnu Lind á netfangið annalind@ssne.is eða í síma 4645406.

FINNST ÞÉR FLÓKIÐ AÐ SÆKJA UM STYRK?

Hjá SSNE er hægt að nálgast upplýsingar um ýmsa styrki sem í boði eru, bæði hér á landi sem og erlendis. Þá býður SSNE upp á frjá ráðgjöf til einstaklinga og fyrirtækja vegna styrkumsóknarskrifa en nú bætum við um betur og bjóðum upp á fjárhagsaðstoð til að niðurgreiða kostnað við sérhæfða ráðgjöf eða námskeið í styrkumsóknarskrifum.

Markmiðið er annars vegar að fjölga umsóknum af svæðinu og hins vegar að hækka árangurshlutfall umsókna af svæðinu. Þessi aukna aðstoð við styrkumsóknarskrif er hluti af verkefninu "Nýsköpun á Norðurlandi" sem var eitt af áhersluverkefnum SSNE 2021. Einfalt og fljótlegt er að sækja um slíka aðstoð og er tekið við umsóknum allan ársins hring.

UPPSKERA Á BAKKAFIRÐI

Miðvikudaginn 16. febrúar fór fram úthlutun styrkja úr Frumkvæðissjóði Betri Bakkafjarðar fyrir árið 2022. Þá fór einnig fram undirritun samfélagsáttmála milli íbúa við Bakkaflóa, Langanesbyggðar og Byggðastofnunar vegna byggðar við Bakkaflóa. Til að vel takist til með að endurreisa atvinnulíf og byggð við Bakkaflóann, er ljóst að allir þurfa að leggjast á árar. Samstillt átak íbúa, sveitarfélags, landshlutasamtaka og ríkis er lykillinn að velgengi í verkefninu. Því hefur verið lögð áhersla á aðkomu ríkisins og stofnana þess að þessum áttmála til stuðnings framlagi íbúa og fyrirtækja við Bakkaflóa og sveitarfélags. Með undirritun sinni staðfesta allir aðilar samningsins ríkan samstarfsvilja með formlegum hætti.



Alls var úthlutað 8.800.000 kr. úr verkefninu Betri Bakkafjörður til 10 samfélagsefandi verkefna á árinu 2022. Auglýst var eftir umsóknum í nóvember síðastliðinn og bárust 17 umsóknir um styrki að upphæð 42,9 m.kr. Til úthlutunar voru 7 m.kr. sem koma í gegnum verkefnið Brothættar byggðir fyrir árið 2022 auk 1,8 m.kr. að auki sem skilað hefur verið af fyrri styrkveitingum sem ekki voru að fullu nýttar. Alls voru því 8,8 m.kr. til úthlutunar að þessu sinni. Verkefnið 10 sem hlutu styrk voru fjölbreytt að venju. Þar á meðal eru verkefni á borð við bættar orkunýtingu, sögusýningu, markaðsþjónustu og menningar-

hátíð. Markmiðið með þessum verkefnum er að styrkja innviði samfélagsins við Bakkaflóa, skapa atvinnu og fjölga fólki á svæðinu í samræmi við stefnumótun fyrir verkefnið sem samþykkt var á íbúafundi haustið 2019.

Hér má lesa bækling um nánari útlitun.

Nánari upplýsingar veitir Gunnar Már Gunnarsson (gunnar@ssne.is) verkefnisstjóri Betri Bakkafjarðar í síma 864-2051.

NÁNAR



MYNDAALBÚMIÐ - STARFSDAGUR SSNE



Rebekka, Hildur, Nanna, Elva, Anna og Kollinna



Stefan Pétur hjá Hraðinu



Smári verkefnastjóri



Hádegismatur á HÉRNA Húsavík



Óli, Eyþór og Rögnvaldur



Pétur og Ari Páll



SMELLTU Á MERKI OG FYLGDU OKKUR Á INSTAGRAM

STÖRF ÁN STAÐSETNINGAR

SSNE fagnar því að nýtt ráðuneyti háskóla-, iðnaðar- og nýsköpunar sé það fyrsta til að taka skrefið í átt að störfum án staðsetninga með því að auglýsa lykilstöður sínar þannig lausar til umsóknar. Við hlökkum til að sjá fleiri ráðuneyti, stofnanir og fyrirtæki fylgja sama fordæmi.

Töluvert hefur verið auglýst af störfum án staðsetningar nú í byrjun árs. Í [brennidepli](#) á heimasíðu SSNE er hægt að fylgjast með auglýstum störfum án staðsetningar og hvetjum við áhugasama að fylgjast með því.

Veist þú af starfi án staðsetningar sem verið er að auglýsa eftir? Sendu okkur ábendingu og við komum því á framfæri - ssne@ssne.is.

VERKEFNASTJÓRI Í VIÐTALI

Rebekka Kristín Garðarsdóttir, verkefnastjóri hjá SSNE var [gestur í setti hjá Oddi Bjarna Þorkeisssyni í Föstudagsþættinum á N4 nú í febrúar.](#)

Í þættinum ræddi hún um Uppbyggingarsjóð Norðurlands eystra, nýafstaðna úthlutunarháttíð og mikilvægi styrktarumhverfisins fyrir nýsköpun, atvinnu- og menningarverkefni fyrir svæðið.

[SJÁ NÁNAR](#)



FRÆÐSLUMYNDBÖND FYRIR FRUMKVÖÐLA



Landshlutasamtökin í samstarfi við Bygðastofnun hafa látið útbúa stutt [fræðslumyndbönd með upplýsingum](#) fyrir þá sem ganga með hugmynd í maganum, vilja sækja um styrki, eru að velja fyrir sér rekstrarformum og markaðssetningu fyrirtækja, vilja gera viðskiptaáætlun eða koma sínum rekstri á framfæri til dæmis á samfélagsmiðlum.

Myndböndin eru hnitmiðuð, gagnleg og fjallar hvert þeirra um afmarkað efni. Myndböndin eru á íslensku, en eru einnig aðgengileg með enskum og pólskum texta.

Hægt er að horfa á myndböndin á [heimasíðu SSNE](#) og [Youtube rás SSNE](#).

[SJÁ NÁNAR](#)



SSNE ER Á YOUTUBE



Ágrip frá framkvæmdastjóra

Ársþing SSNE 2022 verður haldið á Húsavík 8. og 9. apríl næstkomandi. Þing SSNE fara með æðsta vald samtakanna og þar gefst tækifæri til að hafa áhrif á starfseminna. Vakin er athygli á því að rétt til setu á þingum SSNE eiga allir einstaklingar og lögaðilar sem eiga lögheimili á starfssvæði landshlutasamtakanna.

Þing eru skipuð fulltrúum aðildarsveitarfélaganna í samræmi við ákvæði 5. gr. samþykktu SSNE Samþykktir | SSNE.is og er þeim ætlað að tryggja lýðræðislega aðkomu allra aðildarsveitarfélaga að málefnum samtakanna, vera vettvangur ákvarðanatöku um mikilsháttar málefni þeim og stjórn til leiðbeiningar í veigamiklum málum. Fjöldmargir aðilar hafa málfrelsi og tillögurétt á þingum SSNE og hægt er að kynna sér það í samþykktum SSNE, 4. gr. Það er nokkuð öruggt að flestir þeir aðilar sem hafa málfrelsi og tillögurétt á þingum okkar hafa skoðun á því hvernig landshlutasamtökin eiga að starfa og/eða hverjar áherslur okkar eiga að vera og þá eru þingin vettvangurinn til að hafa áhrif. Ég hvet alla áhugasama til að mæta á þingið okkar og leggja orð í belg eða bara til að hitta skemmtilegt fólk.

Kjördæmefundur þingmanna á starfssvæði SSNE var 15. febrúar en þann dag áttu þingmenn kjördæmisins fjarfundu með ýmsum hagaðilum en fyrst og fremst var áhersla lögð á samtal við sveitarfélögin og að ræða þau mál sem á þeim brenna. Af mjög fjölbreytum umræðuefnum má segja að þessi fjögur málefni hafi borið hæst hjá sveitarfélögum: Skipting fjármagns á milli ríkis og sveitarfélaga, samgöngur, heilbrigðisþjónusta og raforkumál.

Sérstaklega var það ánægjulegt að þingmenn kjördæmisins hafa ákveðið að halda fundi með stjórn landshlutasamtakanna tveggja í Norðausturkjördæmi, SSNE og SSA, til að fjalla um einstök málefni. Hér er um nokkurs konar tilraun að ræða en mikill áhugi er fyrir þessum fundum. Fyrsti fundur var haldinn föstudaginn 4. febrúar og viðfangsefni þess fundar voru málefni heilbrigðisstofnana. Það er fullt tilefni til að hrósa þingmönnum kjördæmisins fyrir að taka þetta framkvæði og bjóða upp á fundi af þessu tagi. Vonandi gefa fundirnir tækifæri og tilefni til þess að festa þetta fyrirkomulag í sessi.

Föstudaginn 25. febrúar hélt SSNE föstudagsfund með sveitarstjórnarfólki. Á fundinum ræddi Fjóra María Ágústsdóttir, breytingastjóri og leiðtogi rafræns þróunarteymis Sambands íslenskra sveitafélaga það sem efst er á baugi á því sviði. Einnig tóku þátt í umræðunum fyrir hönd Sambandsins þau Hrunn Valgeirsdóttir, verkefnisstjóri í stafrænni umbreytingu og Tryggvi Jónsson. Ljóst er að það er allt á fleygiferð á vettvangi stafrænnar þróunar hjá Sambandinu sem nýtast mun sveitarfélögum í þeim áskorunum sem þau standa frammi fyrir hvað varðar stafræna þróun, til hagræðingar og aukinnar skilvirki.

Guðlaugur Þór Þórðarson, umhverfis-, orku- og loftslagsráðherra, hefur skipað starfshóp sem hefur það hlutverk að vinna skýrslu, svo nefnda grænabók, um stöðu og áskoranir Íslands í orkumálum með vísan til áherslna og markmiða stjórnvalda í loftslagsmálum, sjá hér: [Stjórnarráðið | Ráðherra skipar starfshóp um gerð grænabókar um stöðu og áskoranir Íslands í orkumálum \(stjornarradid.is\)](#).

16. febrúar hélt starfshópurinn fund með landshlutasamtökum og Samtökum íslenskra sveitarfélaga um stöðu og áskoranir í orkumálum á Íslandi. Fram kom hjá starfshópnum að mjög skammur tími var gefinn til að vinna skýrsluna og því ekki hægt að fara djúpt í stöðuna í hverjum landshluta. Fulltrúar landshlutasamtakanna ræddu helstu áskoranir á þeirra svæðum og drógu fram áherslur. SSNE fór yfir atriði sem fram komu í bréfi sem starfshópnum var sent 9. febrúar, sjá hér: [Microsoft Word - Upplýsingar til starfshóps um stöðu og áskoranir í orkumálum \(ssne.is\)](#) auk nokkurra annarra atriða. Eins og fram kemur í bréfi SSNE til starfshópsins er hér um að ræða gríðarlega mikið hagsmunamál, orkumálin eru landsbyggðamál og rödd landsbyggðanna verður að heyrast þegar fjallað er um þau.

SSNE var með sinn fyrsta starfsdag á árinu 21. febrúar á Húsavík. Að venju var af nógu að taka þegar allur hópurinn kemur saman. Meðal viðfangsefna á starfsdeginum má nefna verkskráningarkerfið okkar og verklag við skráningu tíma, stöðutaka á framvindu starfsáætlunar og undirbúningsvinna fyrir ársskýrslu SSNE. Við fórum einnig í heimsókn til Þekkingarnets Þingeyinga og í Hraðið þar sem þeir Óli Halldórs og Stefán Pétur tóku vel á móti hópnum og sýndu okkur húsnaðið og tækjabúnað FabLab Húsavík. Þar eru mjög áhugaverðir hlutir að gerast og við hlökkum mikið til að flytja inn í húsnaðið með vorinu og verða hluti af þessum spennandi suðupotti sem þar er að verða til.

Með kærri kveðju
Eyþór Björnsson

